



"Zaista će kod Allaha na Sudnjem danu najgori položaj imati čovjek koji ima odnos sa ženom, pa on onda otkrije njene tajne."

Ebu Seid El-Hudri, radijallahu 'anhu, prenosi da je Allahov Poslanik, sallallahu 'alejhi ve sellem, rekao: "Zaista će kod Allaha na Sudnjem danu najgori položaj imati čovjek koji ima odnos sa ženom, pa on onda otkrije njene tajne."

[Vjerodostojan] [Hadis bilježi imam Muslim]

Poslanik, sallallahu 'alejhi ve sellem, nas obavještava da će na Sudnjem danu najgori položaj imati čovjek koji javno iznosi i otkriva ono što treba biti skriveno između čovjeka i njegove žene. I u ovome hadisu se zabranjuje otkrivanje onog što se dešava između čovjeka i žene pri spolnom odnosu, svejedno bilo to od govora ili postupka i slično tome. A što se tiče javnog spominjanja samog spolnog odnosa, bez opisivanja i iznošenja tajni, ukoliko za tim nema nikakve potrebe onda je to pokuđeno, jer je u suprotnosti sa lijepim odgojem i ponašanjem. Allahov Poslanik, sallallahu 'alejhi ve sellem, je rekao: "Ko vjeruje u Allaha i Sudnji dan neka govori dobro ili neka šuti." A ukoliko postoji potreba ili neka korist u javnom iznošenju i spominjanju toga, kao da žena kaže kako joj čovjek ne prilazi u postelji ili da nije u mogućnosti da sa njom ima odnos i slično tome, onda u tome nema pokuđenosti zbog koristi koja iz toga proizilazi, a na tom nam je ukazao i sunnet Allahovog Poslanika, sallallahu 'alejhi ve sellem.

<https://sunnah.global/hadeeth/bs/show/3328>

